

任縣志卷之七

紀事 災祥 寇亂

災祥

余觀災祥志大抵水旱災祲而有年則不概見非果豐歲少而歉歲多也歡娛之境過而輒忘危苦之情久而弗釋故記憶於歉歲者獨多然使斯民之心常知歲之有歉則所以防歉之道在是矣至變異之見理有由來即謂非祥何關民事而前志備紀之者蓋欲示人以天象之可畏使之有所顧忌而不敢肆也故仍次而列於篇

明

任縣志

卷之七

天津華新印刷局印

成化八年饑 十八年大水 十九年蝗

正德八年秋黑眚見 十三年蝗

嘉靖九年大疫 十四年大水秋有星大如月羣星隨之自西

北流入東南少頃天鼓鳴如雷 三十年大水 三十三年

大饑人相食 三十九年旱蝗 四十二年夏大水平地深

丈餘漂沒廬舍無算

萬曆十三年旱 十四年旱 十五年旱 十八年三月望日

地震星隕

崇禎八年饑 十三年大旱饑 十四年大疫

國朝



順治五年夏大雨彌月

城圯壞官私廬舍萬計

十三年秋雨雹傷稼

康熙三年旱 四年彗星見太白經天

六年九月地震 七年

年正月夜有白氣如天河見南方六月地震七月大水

壞西城八

十餘丈

九年旱 十年旱 十一年大水 四十八年大饑

六十一年大旱

雍正元年四月大風霾

四年秋熟

五年麥熟

八年十一

年大水

乾隆二年大雨雹

十七年秋大水

十八年夏雨冰

二十

四年秋大水

冬賜賑

二十五年大熟

二十六年秋大水

五

十五年夏旱

五十六年大熟

五十七年旱

五十九年

任縣志

卷之七

二

天津華新印刷局印

大水

嘉慶二年秋大水

五年秋大雨雹烈風拔木

六年夏大水

七年夏旱蝗

十五年地震

十三年大水

十七年十

八年旱

道光元年七月大疫

二年大水

十六年五月蝗

是月二十

蔽空而過數日蝗孽生幾徧郊野知縣陳步萊於六月初一日在新市設廠收買奉文每斤十文恐收之不盡乃捐資倍價二十餘日遺種剿絕竟獲有秋

咸豐三年大水

四年麥大熟

麵一斤四錢

七年蝗

十一年彗

見西方東南指長竟天

同治六年夏旱立秋三日乃雨

七年大水

十三年秋彗見



西北尾長近紫微垣

光緒三年麥大熟

斗麥制錢三百文

秋苦旱

四年旱蝗

饑民採取樹皮草根幾盡

米麥價值斗約制錢一千六七百文

八年八月彗見東南

九年九月桃杏

華 十一年秋大水

十五年有大星晝見

十六年十八

年二十年俱水

二十一年三月連雨麥大熟秋水

二十

六年旱七月始雨

二十七年饑疫

二十八年八月初三

日辛市等處雨雹積地尺許

按歲之豐歉關於雨暘寒燠而洪範言休咎則以五行之或時或恆推本於五事之得失是以上下修省有惟歲惟月惟日之兢兢此理想之言也西人則謂萬物之生胥賴太陽光

任

縣志

卷之七

三

天津華新印刷局印

熱之力熱度積年有增減熱多則歲熟熱少則歲凶由最多以至最少每十餘年而一周故歐洲產葡萄之國每十年必大熟一次印度之地每十二年必大歉一次此實測之言也天下事理貴求真是則實測較理想為優然計然有言歲在金穰水毀木饑火旱六歲穰六歲旱十二歲一大饑其論豐歉之數與西人所言正相符合則日熱生物之理吾國古人固早知之而不以是垂訓者蓋以歲之不齊即知其由熱度差率所致人力亦何所施若知其與人事相關則因災而懼因懼而修倏忽之氛祲皆森嚴之誥誠居官者知此必為循良居鄉者知此必為善士况天心之缺憾正賴人為以濟之



事前如何防維事後如何補救無不由知懼之一念來也故西人之說雖信而有徵轉無所警於人心吾儒之說揆之事實或不盡然而其理則有不可忽者矣

增補

紀事 災祥

災祥

宣統元年秋大水 二年秋大水 三年彗星見秋大水

民國元年秋水 二年夏大雨雹秋大水近城一帶皆被災

三年夏蝗秋大水 是年蝗飛遍境所過赤地惟邑西安莊吳紳得祿督率鄉民捕打有法得免於患

寇亂

嗚呼禍患之來何者為最烈哉善治生者水旱不能災善養生者癘疫不能沴惟寇亂之際壯士適以殞身多財無以乞命蓋生民之禍未有如兵之烈者也任邑自明以來素稱富實至季年而流賊肆虐土寇交鬪農商之業十亡八九我朝開國敕定經年人獲甯居漸復本業加以休養生息二百餘載殷商接宇富室比鄰卽力作之家亦且農餘粟而女餘布無何運際咸同人丁厄運髮逆蹂躪捻匪竄擾牲畜盡歸驅掠財粟適資盜糧迄今四十餘年元氣未復水旱癘疫偶值一時禍固不至若是酷哉明季之禍歷時久遠故老已無能道者至咸同之際城鄉人士或以拒賊而死或以避賊而



死倉猝遇害身名俱沒無可考見者長已矣其猶可考見者則隨事而次於篇俾後之覺者有以寄憑弔之懷設不幸而復遇其時庶有鑒而早爲寄焉

明

崇禎六七年間歲有寇亂十一年 大清兵克城知縣李庚死之十三年土寇蜂起知縣盧時升以邑人牛文科爲練總禦賊十五年賊兵壓境文科力戰死以邑人姜鉤鼇繼之戰屢捷賊始遁十七年流寇至民人張文燦被殺其見於紀載者僅此據謝豐年亥帝廟碑癸酉寇警偵禦靡甯戊寅城破肝腦塗地庚辰辛巳歲頻大祲甲申土寇焚掠同室操戈亡者

任

縣

志

卷之七

五

天津華新印書局印

十之八九則當日之亂極矣

國朝

順治初土寇猖獗公舉在籍都司吳盡忠爲練總守城有功六年戰沒於賊季年土寇唐敬吾作亂練總聶讀密白知縣趙祥星親往擒之

咸豐三年八月髮逆陷城知縣陳登漢被賊傷教諭張秉廉死難城關廟宇俱燬於火士民之死難者貢生姜逢潤庠生郭符晉罵賊遇害同時死者諸生馮建申從九品王鶴羣民人王承祺駱尙文謝成鄭學篤謝見學許三李黑子王記秋姜德義馬書契賀天成韓文貴韓三千青子楊升賈祿馬二張



五德賊經宿去土匪乘機搶掠殷商富室爲之一空有增生  
丁伯榕者先時出城偵賊去急入城過家門不入先謁縣尊  
送藥瘳其瘡謁教諭張公死所備棺殮之募人看守時四鄉  
訛言城中無官劫奪公行柏榕請速出示各處張貼匪人知  
官在亂始定

十一年髮逆宋景詩率衆過境據駱莊黑龍江馬隊至程爾  
寨謂村衆曰賊勢大官軍少且步隊未至兵敗則數村俱灰  
燼曷助戰衆諾之受其部勒戰於埕外賊敗去助戰被傷者  
甚衆死者趙學禮等九人是年秋女賊程五姑教匪支黨也  
率衆寇掠據駱莊官兵至賊驚遁既而偵知兵少復折回與

任 縣 志

卷之七

六

天津華新印書局印

兵相持數日賊始去自髮逆擾後馬賊教匪相繼過境防剿  
之兵但尾追不迎擊民苦於賊復苦於兵而此役爲日稍久  
故受禍尤烈

同治二年馬賊過境夜宿村鎮焚殺淫掠慘不忍言有賊至前  
安莊入武生劉鳳翔家鳳翔無兵械掌擊賊面目睛俱出賊  
夾殺之子婦劉氏投井死先是村人顏宏皋郭鶴齡與衆共  
禦賊賊至衆潰宏皋憤甚直前搏賊奪槍刺之斃二賊賊以  
鐵鉤攢曳而支解之鶴齡執弓矢隱身高樹自上射賊賊以  
鉤下之穿腸洞胸而死餘衆死者尙三十二人惟顏郭爲尤  
慘云他村之禦賊而死者胡翟莊胡二莫孫杜科李若月又



有朱家屯朱董氏被脅投井死皆是年三月也九月賊自北歸至大宋村村人禦之傷七人死者四人時城內外舉辦團防偵知賊未退練總周印川王延標馬桂林丁文煥率練勇七百餘人赴之逐賊至南和境殺賊十餘賊始遁自是近城村莊賊患少息

五年賊至邑東南境望馬臺謝交泰遇賊擄婦女而行直前奪之格鬪死

六年正月捻匪張總愚自山東西擾突至邑境東南一帶村莊佔據殆徧食村民米麥一夕告罄次日北去尋復由故道南竄已而賊小燕王率大隊自南而北夜據村鎮自城上望

任縣志

卷之七

七

天津華新印刷局印

之火光燭天經宿去官軍尾其後騷擾更甚於賊逃難之民羣匿於蘆葦叢中死亡無數惟避入西山者始免於禍

七年賊至千盟莊達可貞守祖墓弗去達思曾守父柩弗去俱被殺

八年東望馬臺有孟天保者方桔棹灌園賊突至呼令飲馬天保厲聲罵曰老夫年邁豈能爲賊子作飲馬奴耶遂遇害光緒四年歲大饑有饑民數百合少數土匪作亂掠東盟臺村轉而西走至六屯向屯民索糧屯民陽許諾陰集屯衆各持器械突出猛擊匪四散奔走沿路被鄉民擒獲者六七十名送繳邑署邑宰牟懋圻以事上聞委順郡守薛斯來會同牟



公誅首要二十四名餘悉釋歸二十六年拳匪仇教向各村逼索財粟繼以廣宗景廷賓之亂邑東南頗被其擾紛紜一時無甚被害

當同治初元城鄉俱有團練然未有收其效者自修葺城垣資以防守鄉人懲於禍敗村鎮稍大者亦皆修寨自固一有賊警附近村民亦多避入其中零賊土匪稍能防禦

古蹟 城址 寺廟 冢墓

城址

張城在縣西南二十五里漢張縣地舊志云一名渚陽晉將王浚遣兵討石勒屯於渚陽卽此

縣西南二十五里則已在邢境而地理諸書皆係於任故

任縣志

卷之七

八

天津華新印刷局印

仍志之

按邑有渚陽之名而莫詳其所自攷水經注拘澗水又東有牛首水入焉水出邯鄲縣西塔山東流澄而爲渚渚水東南流注拘澗水又東入白渠逕列人入漳蓋自廣平以北漳水已兼納渚水渚陽得名其以此歟

襄子城在縣南相傳爲趙襄子行宮又晉書云任有豐城魏書云任有張相祠今皆莫知其所在

苑鄉城在縣北十八里後趙石勒所築

按方輿紀要謂苑鄉後併入平鄉則故城似不

當在縣北

寺廟



洪教寺 在縣北十里馮村漢曰蒲陀院唐曰勤息院金大定

三年奉敕建改爲洪教院明陞爲寺正德十四年重修

境內寺院

此爲最古

清涼寺 在縣東臺南隋開皇五年建明正統成化正德嘉靖

俱重修

白佛寺 在縣西北舊周村有白石佛像創建無考自明至今

屢次重修其碑記有云寺之始建唐宋以前屢經離亂顛而弗完建炎更立其業先先兵戈入境白日燎然殘碑細礫溝壑井填失其真迹石像且堅折肱斷首視之可憐迨乎我朝宏治中年高峯疊構寺之復全據此則亦境內最古之寺也

任 縣 志

卷之七

九

天津華新印刷局印

西明寺 在縣西北顏解村唐高宗時建金大定明成化正德

嘉靖年俱重修

高廟 在縣東北楊固村有唐碑武后時立額刻佛像十一侍

立像二其碑文爲柏人縣韓秉忠撰並書筆法遒勁文亦具唐時風範經歷歲久不無剝蝕明萬歷中有儉父者臆斷而重刻之字旣毀壞文亦不可句讀矣

壽聖院 在縣東辛店村有宋碑其文爲三班奉職監酒稅平

棘玉岑撰並書廟建於天聖六年僧從果募修共五十楹治

平四年賜名壽聖明正德嘉靖俱重修

鵲王廟 在大宋村不知建自何代有石碣載元中統間重修



約亦宋時所建也明宣德正德俱重修

觀音堂 在縣北新市村宋熙甯三年建明隆慶 國朝順治

康熙乾隆俱重修

靈光寺 在縣西北驛頭村金大定二十三年建明崇禎重修

八寶寺 在縣北楊固村金大定時建明弘治嘉靖萬歷俱重

修

神佛寺 在縣西北欒村金大定初建承安三年明成化嘉靖

萬歷崇禎俱重修

廣化寺 在縣東北薄村元至正時建明弘治正德嘉靖 國

朝康熙乾隆俱重修寺有雙塔高七丈餘道光十年地震倒

任 縣 志

卷之七

十

天津華新印刷局印

其一

聖水井菴 在縣北二十里許廣漠之中有泉湧出名聖水井

泉冽而甘四時不竭相傳歲旱誠禱則雨立降昔人因建廟

於其傍創始無考井有石欄上鐫大德六年則元時已有之

明弘治時知縣徐恭正德時知縣李擴俱重修 國朝康熙

時住持某復募修

廣祐王廟 在城內元至大元年邑宰劉聞禮重建 師德華記

范史所載名臣崔公子玉者天鍾貞幹性秉明達出宰邑土

除長子之狐而邪惑熄戮不光山之既沒郡邑慕而象之號曰

於寰區閩細小之氓莫不知之既沒郡邑慕而象之號曰

追府君有宋靖康之祀金人陷汴以徽欽歸北時康王提兵

俄有持蠟丸血書至云即真早救父母王感泣還軍而南府



君以神馬助王乘之及王卽皇帝位詔封府君爲嘉應侯使  
郡邑廟之金大定中祀五嶽以衡屬宋明王忠臣烈士載我  
皇元奄有天司歲時祀承之至元末追封帝明惠齊聖廣祐王  
在祀典者有廟蓋奉神治民之急務也任爲靈邑春秋晉封羽  
寶書付磁廟穰俗美風隄隸屬順德元秋北有祠經歲綿邈頽  
替不支過者荒涼瞻者慘怛至大改元秋新宰劉公勝聞禮頽  
長趨風吏屬贊飲遂大己西秋九梓命工度費以成勝一事者  
之十仰落成越二日率郡人秋祭告厥成禮也祀之日莫新  
鄰欣螟蝗不日非宰之秋旱又禱而黎庶駭然一禱而雨夏  
事邑其感應也如境秋寓是禱年稔其里風日任之虔敬  
鄉俗邑人求記於予因次其始末而紀之

按范史崔瑗字子玉兩辟公府後舉茂材爲汲令遷濟北相  
並無除狐貳虎之事叙康王事亦多不合因元以前碑完整  
無缺者止此故節而錄之

任縣志 卷之七

崇勝寺 在縣治北創建無考明宣德間邑人侍御胡準建正

而法始興自東魏初大興塔廟而其寺始建繼今入國  
都下及郡邑皆建崇勝寺一所以嚴事之蓋所興其法也  
在城西北舊建崇勝寺一所以嚴事之蓋所興其法也  
年春僧會福增賢其徒思慧募緣於四方以作新德不果而  
徒相繼而逝至景泰改元之初僧會海淨偕其徒山昇廊廡  
爲之既成後殿復創臥佛殿之增飾佛會淨偕其徒山昇廊廡  
塑像於傍未及周歲殿宇一新觀於中成又建於山請予廡  
言予惟示法者佛也興法者徒也無  
以興其法若潤之興法者徒也無  
然其徒相與修葺之使來朝保其  
信不誣矣矧近之使來朝保其  
寺之法者有勞如已能使人興廢  
其法者有勞如已能使人興廢  
宗此法者有勞如已能使人興廢  
圖永固與天地相爲久矣今因  
與夫僧與法者相爲久矣今因



東嶽廟 在駱莊隆慶二年重修 邑人達其神道也 東嶽廟在魯所

燕趙人乃設宇宵像祀之殆徧鄉祀無論郡邑豈東嶽在魯所  
嘗其神靈應至燕趙魯為眺望而所動者視為日觀者依予  
星月間諸神也環列木森蔚私心竦瞻天門者久  
之嗟其神也而木遠近以香來者鱗次雁立者百  
而各施金錢惟恐不入因思夫工徵調是乃更  
之賦督連年憂未集而此固何爾也予因是  
益神上催有五年松山人目壽大得死顧秦皇時  
下即山間食之易得也引益壽年夫植自秦石重  
人壽考而兩物者何甚祕愛復惟神當錫福於人  
力亦無復荒土未至者如髮牽牛未而耕於山之  
也近神者亦何至賴於神也司非莫與也後易之  
所至無復荒土未至者如髮牽牛未而耕於山之  
勤惰之善淫雖然禍福之幾有神也司非莫與也後易之  
在勤惰之善淫雖然禍福之幾有神也司非莫與也後易之  
修力之工告成而逸也予惟數有顯道何私徇也  
其耕夫非惡也聰明正直顯道何私徇也

任縣志 卷之七 十一 天津華泰印刷局印

是工固予向所見鱗次而雁綴者耳若用竦心肅瞻聽  
而勵潛修如予之佇立時即與如日遊處者神不  
福則應耶諸君好禮而予決知其非邀福者乃語  
聞有福則應耶諸君好禮而予決知其非邀福者乃語  
予常謂所睹記蓋欲諸君為着髮制舉期暨捐貲者  
求所當備書與琥珀也若夫祠制舉期暨捐貲者  
諸君當備書與琥珀也若夫祠制舉期暨捐貲者  
於碑陰云書與琥珀也若夫祠制舉期暨捐貲者

玉皇廟 在縣城南明萬歷六年知縣徐度碑記云內有神應

泉 國朝順治七年知縣杜天成重修至今屢次重修殿有

石柱二圍可六尺此工程稍鉅者也 鉅鹿張紹先記 任古

北環陸澤最為形勝昔人於城之限建玉皇廟所以儼對越

謹昭事也歲久蝕於風雨人跡罕到景色淒涼吾儕日在覆

嶠中戴天而忘天之高豈在茲時保之乎三韓公旬任  
之初順治五年工之補苴也六民懷樂壤即郭至八月治  
皇廟既敗者更之缺者增之規模闕敝丹雘陸離非人力間峻

皇廟既敗者更之缺者增之規模闕敝丹雘陸離非人力間峻



可持也夫修城郭以勤民也昔玉皇廟以敬天也此德而見  
公之夏心以興起政矣其治才略恢營紀綱蒞任舍其官者豈可  
公名天而成號諭封遼東之蓋州人爾將不次超擢鐘鼎銘勳海  
南最直指已題御屏一覆金甌行將今直指蘇公又薦為聲噴  
噴前萬一哉且公撫臺于文公交章薦剡今蘇公又薦為聲噴  
佛其萬指已題御屏一覆金甌行將今直指蘇公又薦為聲噴  
肆時夏一以興起政矣其治才略恢營紀綱蒞任舍其官者豈可  
公之夏心以興起政矣其治才略恢營紀綱蒞任舍其官者豈可

老君堂

在小官莊萬歷三十六年重修

知縣羅文寶記

堂歲久剝蝕不稱雅觀加以客秋淫雨為虐人所慮舍漂搖  
民無寧居而茲慕義者斗米錢共鳴工而陳冲懷是以為  
言不佞捐俸一金而新冲懷求余言記無為而民之化自清淨  
椽丹聖煥然一新冲懷求余言記無為而民之化自清淨  
無為聖煥然一新冲懷求余言記無為而民之化自清淨  
自化者本故曰我好民之自正我清無為而民之化自清淨  
吾所謂民之福也使我民之自正我清無為而民之化自清淨  
因書數語勒之堅砥以志歲明萬歷三十一年六月吉日也此

聖母廟

在西關先係草菴為施茶之所明萬歷二十九年始

任縣志

卷之七

十三

天津華新印書局印

建殿宇

邑人趙文炳和郡城西北有鵲山金幣奉為地者  
聖母廟趙文炳和郡城西北有鵲山金幣奉為地者

通數百里外任去麗廟將百里遙其東南一金幣奉為地者  
趨道於此若徒行若乘輿與夫驅鄙陋先是地亦不  
蝟聚殆履也耶沿途有茶肆率鄙陋先是地亦不  
飲食構不足過完一敘且無肆率鄙陋先是地亦不  
然草構是善士張天叙督陳雄輩進舍而足以此地亦不  
瞻易於聚財鳩工皆正殿三楹為行宮中而謀為神靈而  
資為茶地是善士張天叙督陳雄輩進舍而足以此地亦不  
列茶之費推任門主之樂其善而遠近來者入與各  
年會起於萬歷庚寅迄今十餘年而遠近來者入與各  
其神憩不大地飲其會無不樂其善而遠近來者入與各  
邀福君詎不大地飲其會無不樂其善而遠近來者入與各  
神之雖幻杏而非敬諸善士雖隔越如通耶與是皆善  
敬神而藉不令濟人夫神則越如通耶與是皆善  
宮禮而藉不令濟人夫神則越如通耶與是皆善  
善士蓋敬像神以事及於人而憐者乃神則越如通耶與是皆善



於道施漿於路以待行旅者昔陽雍給義漿致獲白璧之報  
諸善士功德何路以行此不依竊謂推是心也世可以通治生理不  
依膺簡書晉楚得耳中如渴之望飲者有能通濟人傲以生民  
豈無鼓鬣沫澤潤轍以膏腴是濟生民即有能通濟人傲以生民  
神之裨於治道豈淺哉噫嘻斗升之水涓滴之敬事朝廷也其  
望司民牧之能為善萬歷三十四年崇禎四年國朝康熙  
士焉此記之意也善萬歷三十四年崇禎四年國朝康熙  
四十五年道光十年光緒十三年俱重修

立帝廟在北關康熙十一年重修邑人謝豐年記  
坎水也昔人於城北門外立廟一區以爲水鎮其始作  
之此廟以爲巨鎮未可但知也廟之南去濠尚數武廟之城隍即  
立此廟東涯濠水由此而洩雖然昔於此建閣爲廟蓄洩計開  
卽河急澎湃如瀑布然廟作洪錮以磚石然日漸月積田舍  
水湍急澎湃如瀑布然廟作洪錮以磚石然日漸月積田舍  
乾萬計故廟亦不免焉腹略無隱藏於風氣亦爲不美邑侯  
通衢一望之洞胸達腹略無隱藏於風氣亦爲不美邑侯

任縣志 卷之七 十四

高公心爲傷焉進父老而謀則修之捐俸金以爲衆倡鳩工庀  
材皆闔縣士民之樂輸者也夫繼任郭公甲而材具日作之費  
則皆闔縣士民之樂輸者也夫繼任郭公甲而材具日作之費  
壯麗完固視昔倍蓰有徵發慮亂匪人苦同剗肉朝事神一飽  
繞樹者尙未定棲一有或日維今之俗人多凶多懼朝事神一飽  
節爭先恐後良可怪已或日維今之俗人多凶多懼朝事神一飽  
無所不禱借此修福以冥佑亦值禦能免耳曰非然也  
崇禎紀庚辰辛巳歲頻大寇警則亦值禦能免耳曰非然也  
室操戈舉國若狂亡者十之八九肉強食甲申戊寅城破則肝  
忍客以生爲寄苟得醉飽即春人臺非鐵石未易存也凡今何  
勞而思之餘財撓其善事耶語曰人臺非鐵石未易存也凡今何  
父母趨之如流也賢有廟之修可以見志之趨善焉又若  
見人神歡悅即皇仁之浩蕩焉此一方亦小者爾又若  
者同人語哉即日作廟之安神屏此可以與修福以冥佑

龍神廟在彰臺村碑記云明崇禎元年夏六月不雨民間遷

神於沙河之赫山昇神中道甘雨隨作遂獲有秋因建廟於



村南殿寢如制殿後發池雖值枯旱其水不涸今為禱雨之所

石婆婆廟 在西關俗傳光武經此有老媪進食既而視之石也康熙十二年重修

火神廟 在城東南隅創建無考 國朝順治十二年僧悟明募置房五間地一畝八分有奇以供香火乾隆道光光緒俱

重修 馬神廟 在縣治西偏舊制馬號在廟東隙地嗣因稽查不便改置馬號而廟仍焉嘉慶同治光緒俱

重修 三官廟 在東關外道光二年重修知縣陳略記略云任邑四

任縣志

卷之七

十五

天津華新印刷局印

三門以城外皆建廟為之蔽如開門見山者然在當日創始者將以聚城中為之酷吏不洩歟抑善士為之暴露即欲是邑者為循良任之初見東關三年官廟破壞神像暴露即欲無所適歟未暇也越三載民和年遂廉贖地歸廟香火並有修葺廟地而為霍氏當出重修凡五越而廟事登東城紳民忠實者董其事捐資列於前氣向之破屋頽垣不足為樓門望此廟宛若屏障之於其象固殊焉董事請余為文以記其障而反令一邑減色與其象固殊焉董事請余為存案外今推原當日立廟之意與此廟之主久廢而復修者勒之石自究治爾紳民為官廟如匪徒爭滋擾許住持與鄰以盡其心修葺以防其廢自永邀庇陰於無窮矣豈徒壯形而勢已哉瞻

清源廟 在縣治西北隅明萬歷 國朝嘉慶俱重修

大悲母廟 在西關創建無考久歸傾圮今重修訓導陳智記



悲母廟蓋釋氏象教之遺也其攷乾佛屏教於婆羅門大  
悲母廟蓋釋氏象教之遺也其攷乾佛屏教於婆羅門大  
悲母廟蓋釋氏象教之遺也其攷乾佛屏教於婆羅門大  
悲母廟蓋釋氏象教之遺也其攷乾佛屏教於婆羅門大  
悲母廟蓋釋氏象教之遺也其攷乾佛屏教於婆羅門大  
悲母廟蓋釋氏象教之遺也其攷乾佛屏教於婆羅門大  
悲母廟蓋釋氏象教之遺也其攷乾佛屏教於婆羅門大  
悲母廟蓋釋氏象教之遺也其攷乾佛屏教於婆羅門大  
悲母廟蓋釋氏象教之遺也其攷乾佛屏教於婆羅門大  
悲母廟蓋釋氏象教之遺也其攷乾佛屏教於婆羅門大

任

縣

志

卷之七

十六

天津華新印書局印

肆擾火既災之陽侯為虐水復圯之棟焚基陷久無一椽可  
瓦者存非佛董過靈之會厄佛固不能遠也此又其可  
悲者矣城關少尉攝董而傷之肇功始慮肯構之終恐事之  
天朱月舫與諸紳董協而觀之自戊申秋接續興工附者  
中輟也爰營閱今冬而殿庭門廡全竣其廟中附者  
創華實兼營閱今冬而殿庭門廡全竣其廟中附者  
舊有之石婆殿新於余呂祖殿亦成焉且將樹之貞  
珉當事者乃問於荒蕪而巍煥佛之命告成焉且將樹之貞  
也關榛而棟於荒蕪而巍煥佛之命告成焉且將樹之貞  
放大光明普照於龍岡蔡水間者其將由此哉喜以爲是役  
冢墓

北魏游雅墓

在縣東北十里許故冢已頽猶指其處名之明

正德四年知縣李擴增築之週以垣門之南有地五十畝鑄

於石以杜侵沒

元鎮守衢州路保甲萬戶府達魯花赤索羅女阿母墓 在縣



北十五里故址猶存

明同知王壘墓 在縣北十里亭

明副使謝旻墓 在縣西南二里

明知州高大經墓 在縣北十五里北張村

明參政李景萃墓 在縣西南河頭村

明副使達其道墓 在縣東三里許

明御史趙文炳墓 在縣東南大宋村 知縣羅文寶撰墓表

明指揮霍彥章墓 在縣東南二里許 有墓表

劉烈女墓 在縣西門外大路南烈女為生員劉應徵女許字

生員李廷高子日茂未嫁而殉其夫萬歷間合葬於此俗傳

任 縣 志 卷之七

十七

天津華新印刷局印

為姑嫂墳無據也誌石為敲火礪角所毀其可見者僅下截之三四寸半語殘畫不可以意揣惟真可以愧丈夫維世風一語與葬於李瑩之次與夫共窀穸焉一語為可讀其後墓銘止存無忝所生佳城鬱鬱二句按舊志有劉烈女墓銘乃明郡侯秦鄰晉撰亦有此二句而無墓志想亦以剝落不可讀刪去之而僅存其可讀者此石前一行晉字宛然及細審晉之上似有秦鄰二字雖其模糊儘可辨識於是始知此為劉烈女墓無疑 郡侯秦鄰晉撰墓銘云而志分維貞而名分亦成死有餘榮無忝所生佳城鬱鬱墓草青

青百年萬社日月爭明

掩骼塋 在城北二里許明天啟壬戌知縣李繼恩建



增補  
古蹟

東盟臺在邑東二十五里邑人相傳韓信襲齊楚遣龍且救之信與且會盟於此故名其村爲東盟云又傳有古代瓦井亦莫辨真僞惟地當大陸中央耕田捕魚是其舊習故有碣云荒荒繚亂休離河店水來喫魚水去喫麪

塔圮臺在邑東北三十五里卽今之環水村居大陸中央地勢極窪形如釜底三百年前汪然澤國村民以水作田菱芰荷蒲之屬皆備故名爲荷葉村考試類統編載有荷露承珠蓮花發藕之句下句指沙河而言上句卽指此處村占高處四

任

縣志

卷之七

十八

天津華新印刷局印

面皆水盛漲不沒自遠望之如舟浮水面故邑人相傳爲隨水浮沈云

薄村塔在邑東北三十里建於元代俗傳有釋伽圓寂於此立塔以誌其處以理推之元崇帝師此說或自不誣又村人傳說有古代帝王之女俗稱皇姑者來遊大陸玩賞荷花未歸而卒其父哀之爲建此塔以示不忘然亦不辨其爲何代荒渺無稽未可深信

劉秀橋在邑城西關外婆婆廟之西俗傳漢光武徇河北時過此

附八景



流水環漪

邑人謝鑑記

水自西南達於東北環流郭外卽蔡河也其一支分流入城  
遶縣治泮宮又自東北一曲而去碧浪迴瀾雲天一色清波  
觸石絃誦同聲縱葦臨流大有泉石間想湮沒已經百有餘  
載康熙十二年季侯重復

宮牆靈井

井在文廟前玉石橋東相傳魏太傅游雅鑿衆泉皆濁此泉  
獨甘遇午酉年歲則更溢故鄉書多發於是年人傑地靈洵  
乎不爽

蔡橋曉月

任

縣

志

卷之七

十九

天津華新印刷局印

橋在城北十五里許卽古蔡河渡今橋頭是也昔王寧宇詩  
云笛弄短長調月明上下天又李茂之詩云無心到處人隨  
月有意今宵月近人皆橋邊泛月句也

章臺晚照

在城東三里許昔稱鍾靈臺近臺居者多登科界故名草木  
蓊鬱樵牧往來每日落時則返照映臺如帶曙色後廢於百  
泉水漲故址尙存

東湖勝覽

湖在縣東北十餘里詳見禹貢及史卽古之大陸澤也一碧  
停泓印山吞月鳥魚翔泳草木葱菁韻士高人多觴詠其間



泛舟則櫂擊空明人遊鏡裏登樓則開窗鑿翠舉目煙波昔賀玉壺詩云林影煙重迷梵宇湖光雲淨蕩蘭橈又駱順之詩云乘舟影動波心月橫笛聲隨水面風皆記實也

### 聖水靈波

在縣西北十五里許以立君主其祀廟前有數泉湧出清冽異常環遶垣外流而爲河古樹千霄影徹水底遇旱有禱輒應

### 西劉煙柳

在邑西五里許昔盛時濃蔭五里行人便之稱曰西柳長廊久已憔悴今又培植漸復武昌勝概矣

## 任 縣 志

卷之七

十一

天津華新印書局印

### 雙塔鐘聲

在邑北三十里許建於元朝上有古鐘名曰天籟清夜叩之覺雲影天際皆鯨吼聲至今已爲奇異

按古蹟之存東西各國皆知寶貴如埃及之王陵古塔日本之奈良日光廟雅典之廟意大里之邦溲古屋以及羅馬都城頽宮殘廟存者無數而都人士累經萬劫爭亂盜賊歷二千年乃無有毀之者今其人皆知愛護皆知嘆美皆知效法無有取其一甎拾其一泥者而公保存之以爲國榮而我國阿房之宮燒於項羽未央建章之宮燔於赤眉仙掌銅人爲魏明帝移於鄴已而入於河北齊高氏之營周武帝毀之臨



春結綺之宮飾以金玉隋伐陳毀之其他一郡一邑又何論焉雖有存者亦不過頽垣壞壁敗瓦餘礫而已然考古者尋其故處訪其陳迹撫其殘碑斷碣猶足發思古之幽情者皆賴此古蹟之遺也間嘗遊大陸過東盟臺觀韓信與龍且會盟處慨然想見古之豪傑尙武之精神不覺勃勃而生驅車而西至邑城覽于王二公祠舊址破屋無存牆垣毀圮殆盡不二百年而其故物遺者僅有石獅兩具讀其遺碑徘徊留之而不忍去乃知古循良之拯救吾民者觀其文如見其人也至若塔廟之屬則又方外人之所託迹亦懷古者所憑弔而慨慕者矣